

**Ini bukan penamat – Anwar
Astro Awani
Dis 14, 2016**

PUTRAJAYA: Keputusan Mahkamah Persekutuan menolak semakan kehakiman ke atas keputusan kes liwat II bukan penamat segala-galanya, kata Ketua Umum Parti Keadilan Rakyat (PKR), Datuk Seri Anwar Ibrahim.

Anwar berkata, beliau akan meneruskan usaha untuk membebaskan diri daripada penjara walaupun Mahkamah Persekutuan menolak permohonannya hari ini.

"Ini bukan penamat segala-galanya. Saya akan berbincang dengan peguam mengenai langkah yang akan diambil melalui proses undang-undang," katanya.

Mengulas keputusan panel lima hakim itu, Anwar berkata beliau sudah menjangkakan keputusan berkenaan namun menegaskan beliau tidak bersalah atas pertuduhan itu.

Panel lima hakim hari ini menolak permohonan semakan semula yang dibuat bekas timbalan perdana menteri itu ke atas keputusan menjatuhkan hukuman penjara lima tahun kerana didapati bersalah meliwat pembantu peribadinya, Mohd Saiful Bukhari Azlan lapan tahun lepas.

Hakim membuat keputusan itu selepas meneliti penghujahan dan melihat permohonan itu tidak mempunyai merit dan tidak sempurna.

Tag: [anwar ibrahim](#), [mahkamah persekutuan](#), [liwat](#), [pkp](#)

© 2016 Astro Awani Network Sdn. Bhd. (535275-D) All Rights Reserved.

Source: <http://www.astroawani.com/berita-politik/ini-bukan-penamat-anwar-125516>